



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 126. Ultronea Casimiri Poloniæ Regis abdicatio.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. dome tum Apostolicus in Galliis Legatus, ac Reginæ Avunculus ejusmodi impedimentum tollendi facultatem in Francia, vicinisque locis sibi competere ratus, Alphonsi matrimonium esse nullum declarabat, ac Reginam hucusque intactam cum Petro Principe Solemni precatione conjungebat: Re comperta Hispani, eorumque fautores hanc dispensationem, nuptiasque Romæ vehementer impugnabant, causati, hoc negotium merito accenseri causis majoribus sacræ Sedi reservatis, Legatumque Apostolicum, æque ac Canonicos Ulyssiponenses, legitimæ potestatis limites excessisse. Verum Clem. IX. Papa Francis addictus, auctoritate ac consensu suo rebus hucusque gestis accessit.

§. CXXVI.

Ultronea Casimiri Poloniæ Regis abdicatio.

*Priorat.
Hist. di Leopold. I.
p. 2. lib. 6.*

Magis adhuc periculosis tumultibus per aliquot annos Poloniæ Regnum jactabatur; cum enim Maria Gonzaga Regina liberos suscipiendi spem destituta anno hujus sæculi sexagesimo primo Regni Successorem, vivente adhuc Rege, eligendi copiam sibi relinquere peteret, Lubomirskyus supremus Regni Mare-

Marescallus Polonæ Nobilitatis jura ^{Sæc. XVII.} hoc pacto luculenter infringi, vehe- ^{A. C. 1668.} menter querebatur, populus quoque Regem non nisi a paucis electum sibi obtrudi indignatus, vix non seditionem concitabat. Enimvero Regina Lubomirskyum placare satagebat, verum ejusdem hostes Marescallum tot calumniis obruebant, ut læsæ Majestatis reus, omni dignitatis gradu excidisse, ejusque bonis ærario addictis supremo supplicio dignus pronuntiaretur; incassum infelix suam innocentiam datis ad Cancellarium & Gnesnensem Archipræsulem literis vindicare nitetur, eapropter vitæ suæ consulturus, Wratislaviam in Silesia aufugit, a Leopoldo Cæsare non sine fati sui miseratione exceptus: Procerum etiam potissimi hanc violentiam exosi acriter obstrepebant, atque eorum quidam in comitiis coram Rege exclamabat: *aut nomina nostra dele ex libro Libertatis, & Republicæ, aut redde Lubomirskium*: Haud parum quoque exacerbatos Polonorum animos stimulabant ejusdem Marescalli literæ, quibus eos ad vindicandam patriæ libertatem hortabatur; unde in Poloniam reversus, a foederato exercitu in Ducem proclamatus est: Igitur Casimirus Rex, ne imparatus a seditiosis opprimeretur, cum valido exercitu foederatis occurrit,

inito-

Sæc. XVII. in totoque prælio eos feliciter profligat,
A. C. 1668. & Lubomirskium ad petendam a Rege
 pacem & deprecandam factorum ve-
 niam compellit; quam etiam obtinuit
 Lubomirskius, simulque incusso maio-
 ris mali metu a Rege tantum evicit,
 ut meditata Successoris in Regnum in-
 trusio proscriberetur, necnon plena Or-
 dinibus assereretur, post abdicationem
 vel Regis obitum, quem Poloni ma-
 luissent, ad Regni Regimen eligendi
 libertas: Obtenta hac pace Casimirus
 Rex, mundanarum rerum tædio affe-
 ctus, post Conjugis suæ mortem, sicut
 ante viginti annos Jesuiticæ Societati
 & Purpuræ, ita hoc anno Regno &
 diademati nuntium remisit, ac in Gal-
 lias contendit, ubi in Abbacia ad sac-
 ctum Germanum privatus reliquos vitæ
 suæ dies in animæ suæ cura transegit.
 Successorem habuit anno hujus sæculi
 septuagesimo Michaellem Koributum
 Ducem Visnovicium, qui nil tale sus-
 picatus, inter Proceres circa exteri-
 alicujus Principis electionem litigantes,
 solus de adepta corona gaudebat. Obiit
 demum Casimirus in sua Abbacia anno
 hujus sæculi septuagesimo secundo die
 quarta Novembris anno ætatis sexa-
 gesimo quinto: cadaver ejus Varsoviæ
 delatum, ibidem in regio monumento
 reconditum est, corde in Abbacia re-
 licto.

§. CXXXVII.